

Ä

ULRICH VON LICHTENSTEIN

U 240
274

MIT ANMERKUNGEN
VON THEODOR VON KARAJAN

HERAUSGEGEBEN

VON

KARL LACHMANN

BERLIN 1841.

VERLAG DER SANDERSCHEN BUCHHANDLUNG
(G. E. REIMER)

AKADEMISCHE BUCHDRUCKEREI.

Ä



DEM FREIHERRN
KARL HARTWIG GREGOR VON MEUSEBACH

ALS ZEICHEN DER TREUE

AM SECHSTEN JUNIUS 1841.

VROUWEN DIENEST.

Den guoten wiben si genigen
 von mir, swie si mich doch verzigen
 nâch dienest ofte ir lônnes hânt.
 her, waz si tugent doch begânt!
 5 der werlde heil gar an in stât.
 ich wæn, got niht sô guotes hât
 als ein guot wîp. daz ist alsô:
 des stât ir lop von schulden hô.

Man muoz mirs jehen, wan ez ist wâr,
 10 daz wîbes güete niemen gar
 volloben an ein ende mac.
 ir lop sich breitet als der tac.
 wâ endet sich der sunnen schîn?
 swer mir daz ûf die triwe sîn
 15 kan gesagen, dem muoz ich jehen
 daz er vil verre hab gesehen.

Ir schîn durchliuhtet elliu lant:
 dâ von ist mir vil unbekant
 ir schînes sprunc, ir schînes ort.
 20 sich endent sanfter elliu wort,

und swindent lihter elliu jâr,
 ê daz der wîbe güete gar
 und ouch ir hôhiu werdekeit
 mit worten werde gar volseit.

5 Wie sol man des vol ze ende komen,
 des ende nimmer wirt vernomen,
 und daz für wâr niht endes hât?
 alsô diu werlt nu gar zergât,
 dannoch ist der wîbe brîs

10 ze himel und in paradîs;
 dâ von mîn sin und mîn gedanc
 in lop ze sprechen ist ze kranc.

Wîp sint reine, wîp sint guot,
 L 1^b wîp sint schoene und wol gemuot,
 15 wîp sint guot für senediū leit,
 wîp die füegent werdekeit,
 wîp die machent werden man.
 wol im der daz verdienen kan
 daz si im bietent vriundes gruoꝛ!

20 dem wirt vil maneger sorgen puoꝛ.

Wîp sint hôher sælden rîch:
 den engeln nie niht sô gelîch
 wart, alsam ir schoener lîp.
 ein tugentricher reine wîp,
 25 diu sich vor wandel hât behuot,
 diu hât für wâr wol engels muot:
 ir lîp hât ouch wol engels schîn:
 daz nim ich ûf die triwe mîn.

Nâch disem lob sô heb ich an
 30 ein mære als ich beste kan.
 in gotes namen ich ez hebe,
 und wûnsche des daz er iu gebe